

船  
山  
師  
友  
記

船山師友記第六

湘潭羅正鈞纂

夏孝廉汝弼

夏汝弼字叔直其先祖曰永亨明初授交趾諒江府同知監造糧舟開船場於臺源因家焉汝弼祖父皆諸生當崇禎時夏氏尤盛何騰蛟奏于衡州試士汝弼以弟五人舉于鄉時變日棘不復求仕性倜儻負勁氣與王夫之兄弟友善流寇陷衡州汝弼居蓮華峰夫之避亂蓋依以獲免云桂王子旣稱尊號保於武岡汝弼同行衡邵山谷中知其無成顧無以自全遂棄巾服自號蓮冠道人歌哭無恆獨攜一童子囊琴登邵陽梓田山就

古木鳴泉閒踞石彈琴或泣或吟或旁遊白石銅梁諸山觀瀑布旁皇山中數日不返返則仍居山樓自炊而食其山臨望官道桂王子常登焉所謂車駕山者也山下有蕭常廢者數相遇知其非常人要之家中留月餘復去自此絕迹矣明亡數十年遺老舊臣佯狂敖遊居衡湘者尤眾或爲沙門或潛伏巖壑衣明衣冠皆莫知其姓字而汝弼以能詩人往往傳之然不能得其里籍其後有編其詩入楚風補者始著爲衡陽人人猶莫能徵也又二百年鄧顯鶴按訪逸民尤有意乎其人殷殷求所謂蓮冠者躬尋車駕山訪問其軼事又得王夫之懷夏叔直詩及李國相晚年亦有哭汝弼詩始知其終隱九疑以餓死云顯鶴

既審知其姓名行迹悲傷其志以爲庶幾聞伯夷之風者而汝  
彌子姓今實居臺源爲大族譜牒載其生年世系甚悉至其後  
遞迹所在及平生文辭亦不能詳矣汝彌以諸生名動衡湘又  
前知二王傾危無一命之祿其居於家當可自安而一往不顧  
甘同朽於草莽士果各有其志耶其名若滅若存垂數百年雖  
其子孫不能增益於他人所聞知之外尤可哀也舊志傳汝彌  
於隱逸而不言其餓死餓與否誠不足爲汝彌輕重然非顯鶴  
烏能發其孤衷傳其枯槁憔悴之情乎汝彌三弟曰汝爲汝翼  
汝偕並有名諸生中

衡陽縣志

蓮峯志沿革門云宏光元年夏堵公允錫隘之作前字王介

之夏汝弼王夫之實經營之

述病枕憶得云丁亥與亡友夏叔直避購索于上湘借書遣  
日益知異志同心搖蕩聲情而檠括于興觀羣怨

惜餘鬚賦自跋

蘆齋逸文

云丁亥夏做少陵文山作七歌與夏叔

直氏將奔辰沅求義興堵公所在效死至中湘道阻不能往  
病枕憶得丁丑年有夏日讀史曳塗居聞松聲懷夏叔直先  
生一首七律

嶽餘集甲申年有繇戀響臺眺一奇石而上同夏叔直援石  
曲折遂得方址巋然可臺一首五絕曉同叔直出寺拂讀米菊

水所鐫譚友夏嶽記一首五古

病枕憶得丁亥年有淫雨彌月將同叔直取上湘間道赴行  
在所不得困車駕山哀歌示叔直一首七古

賸橐壬辰年有重過蓮花峯爲夏叔直讀書處一首七律

薑齋詩分體橐辛酉年廣哀詩弟四有夏孝廉汝弼一首自注

字叔直己丑避鬚甯遠山中幽憤而卒 五古

正鈞按憶得夏日讀史一首隸于丁丑丁丑爲崇禎十年  
先生時年十九則與叔直締交最早按家世節錄言先君  
于後進以文字求點定所鑒別俱爲名孝廉有郭季林鳳  
籟夏叔直汝弼諸人則叔直嘗受業武夷先生宏光爲福  
藩所建號觀賸橐重過蓮花峯詩題云爲叔直讀書處證

以嶽餘集甲申諸詩則蓮峯當是叔直常居之所此兩年

先生避兵相依故縣志云然也同遊車駕山在丁亥五月

鄧氏所引叔直白石峯記甚明

按沅湘耆舊集引夏汝弼白石峯記云歲丁亥月在

午梅雨新霽與王子而農披榛徑登白石峯夫以是峯之特立于羣山之表而其上蒼蒼無窮者且如彼是果有所謂天也抑無所復名之而姑謂之天也天者果有所幬與則亦宜有所不幬者存何居乎其必幬之荒遠而始以爲大乎則吾未知其定有天焉否也云云鄧氏懸鶴云予旣得叔直先生楚風補所載同夕堂遊車駕山一詩復從湘鄉縣志搜得此文而後先生之志事交遊乃稍稍窺見崖略而先生旋以父疾返衡家見

世節錄 次年膺難走行闕中間殆未與叔直相聞而叔直卽以己丑沒也

夏汝爲汝弼弟諸生

衡陽縣志夏汝弼傳

衡陽縣志山水第八云承水西流六里過臺源寺東所謂紫霞市也民俗通呼臺源王船山遇夏仲力受絮衣之處集中有詩

獄餘集有癸未匿獄寒甚下山訪病兒存沒道中逢夏仲力下竹舁憊不能語哀我無衣授之以絮歸山有詠一首

五律

正鈞按劉氏毓崧云蓮峯志卷三稿本有同邑夏汝爲仲力訂之語則汝爲字仲力也

### 文明經之勇

文之勇字小勇衡陽人明季恩貢生丁亥藍山遇寇死

分體彙編廣哀詩

注



南窗漫記云亡友文之勇小勇有句云人誰從問字風不可  
開門于江西派體中自居勝地而其荒涼寒苦之狀簡傲絕  
俗之致亦槩可見矣小勇所居儼郊外一破屋每旦待糶而  
炊而長日一卷嘯歌自如斯人亡後戚戚憂貧未壯而氣衰  
者成乎風俗不復知此風味矣

病枕憶得己卯年有匡社初集呈郭季林管冶仲文小勇一

首

五律

壬午年有朱亭晴寒寄小勇一首

五古

薑齋詩分體彙辛酉年廣哀詩第二有文明經之勇一首

注自

見

正鈞按柳岸吟軒睡弟四首有云爲報泉臺舊知己儂非

劉向與楊雄自注亡友文小勇以二子相獎廣哀詩有云  
波光閉寒帷論藝終長宵握交亦有始耦俱立清標又有  
云所恨委荒草未能生蕙蔞商音既中絕朱絃誰共調可  
想交誼之厚五十自定棄甲午再哭郭季林詩題云追悼  
文小勇匡社舊游則當日立社似小勇主其事丁亥爲順  
治三年先生早歲同里友朋惟小勇之沒最早也

歐陽文學惺

歐陽惺字叔敬衡陽諸生丙申溺湘死

蓋齋分體彙  
廣哀詩注

病枕憶得甲申年有東安得歐陽叔敬弟詩見憶賦答一首

古五

五十自定彙丙申年有哭歐陽三弟叔敬沈湘六首

七絕

葢齋詩分體彙辛酉廣哀詩第九有歐陽文學慳一首

自注  
于子

爲中表弟少子二  
歲餘見上

五古

正鈞按廣哀詩注云于子爲中表弟攷家世節錄云先太孺人姓譚氏外王母歐陽太君歐陽太君生元素公炳舉于鄉官郡丞證以叔敬詩第五首有岸谷消沈羊叔子推恩無分到中郎之語則叔敬爲母黨之戚無疑稱之爲弟應是元素諸孫行丙申爲順治十三年先生年三十八歲詩注云少子二歲則叔敬沒時年三十有六常甯縣志流寓傳云王而農先生甲午移居常甯丁酉返南嶽而五十

自定癸丙申年有重登雙髻峯一詩則是年先生當暫一至衡而因以哭叔敬也

郭孝廉風躔

郭鳳躔字季林一作季陵衡陽人中崇禎壬午鄉舉人亂後隱居石獅嶺下竹塢藥欄日吟嘯其中以自娛有涉園集不傳沅

耆舊集  
小傳

南窗漫記云豈非天下士所重世間名令我南原上長吟憶耦耕此季林見懷詩也余度嶺孤心雖未能見諒然季林自率其退靜之情殷勤以相規正固自不忍忘之

自注季林  
名鳳躔

又云郭季林有涉園草一帙竟陵體也其有意致者良自

灑然

病枕憶得庚辰年有月下步春溪徑抵金錢衝訪季林因與

小飲一首

七絕

五十日定癸辛卯年有過涉園問季林疾遣作早梅詩四首

七絕

甲午年有再哭季林兼悼小勇匡社舊遊一首

五律

正鈞按家世節錄季林亦嘗受業武夷先生

詳下何一  
琦傳後

憶

得己卯年匡社初集詩題有呈郭季林之語

詳上文小  
勇傳後

故

哭季林詩尙追念及之先生辛卯由粵返楚而季林已疾

觀甲午一詩題云再哭季林蓋沒于癸巳也年譜劉氏毓

崧云據南窗漫記所言此詩當作于先生度嶺之歲度嶺

有兩次所謂退靜之情殷勤規正于受職之時較合

李孝廉跨鼈

李跨鼈字一超衡陽人父早世十五成諸生經世亂奉母避祁  
邵山中時大饑變姓名爲人傭耕以給養母病日集方書親治  
醫藥尋還衡長樂鄉結茅髻山之麓旦夕衣冠侍母足不及五  
里外舍旁築室經丈子夜燃松脂讀書聲朗朗徹山外雪夜月  
夕獨攜方竹杖登髻山頂倏哭倏歌人目爲狂年四十卒無嗣  
臨終盡燬所著詩文惟作書貽友人以母相屬云

衡陽縣志

五十自定彙乙未年有哭李一超一首

五律

丁未年有故

孝廉李一超以懷貞窮愁死不及有嗣息元配林孺人掖咀

太孺人于痺病中十四年不舍榻右粹遭危疾臨終悲咽以  
不得躬親大事爲憾啼聲未絕而逝余于一超不淺視道路  
感泣者自逾涯量裁二詩以將哀尤爲太孺人愍悼焉二首

律五

葺齋詩分體彙辛酉年廣哀詩第八有李孝廉跨鼈一首衡陽

舉人避鬚山中  
乙未沒 五古

正鈞按衡陽縣志列女有李跨鼈妻傳則跨鼈係衡陽人  
哀林孺人詩及廣哀詩題均稱爲孝廉而攷衡陽新舊志  
選舉表并無之一超蓋亦得舉于丙戌也按廣哀詩有云  
昔從嶺海歸未知慈日隕感君獨雪涕慰勉相援引

按譚太孺

人以庚寅八月沒先生行狀云  
聞母病間道歸衡至則母已沒  
又有云君本酒人雄飛揚  
越規準折節從幽棲嶠岵全元鬣據此則一超之風節其  
與先生之交誼俱可想見矣

何孝廉一琦

何孝廉字偉孫衡陽舉人

家世節錄

家世節錄云先君晚歲端居屏人事里社後進聞因夫之兄  
弟以文字求點定時際欣適亦爲論次如郭季林鳳躔夏叔  
直汝弼何偉孫一琦皆所鑒別俱爲名孝廉會喪亂不得竟  
其用

正鈞按衡陽縣志明代選舉表注云傳書有何一琦云舊



鈔科分失攷今詳節錄列于夏叔直之後偉孫得舉蓋亦  
甲申以後榜也節錄注永曆十二年季秋月述是時季林  
叔直皆已前沒云會喪亂不得竟其用則偉孫明亡後應  
亦隱居或早逝也

熊渭公甫

熊甯字渭公黃岡人移居武昌嗜古學尤喜邵子皇極書頗言  
未來事十六年元旦盡以所撰性理格言圖書懸象大易參諸  
書付其季弟曰善藏之城破前一日贈書馮雲路言明日當覓  
我某樹下及期行樹旁賊追至躍入荷池以死

明史忠  
義傳

南窗漫記云壬午初秋黃岡王又沂源曾熊渭川甯會同人

于黃鶴樓與者百人各拈韻賦詩渭公作四言詩末章云試  
望木末好花翩翩清明佳氣勃發楹前渭公以禪制不與秋  
試爲同人祝也命意不落凡近清明者豈科名足以當之渭  
公篤志正學有與李文孫論格致書破姚江之僻爲余序詩  
以眉山淮海爲戒箸緯恤一帙皆四言也有云帝命元老黃  
屋左纛黃屋左纛命之莫保以追刺武陵相荆襄僨事而死  
也

病枕憶得述云昔在癸未春有乾濤園初刻亡友熊渭公爲  
序之亂後失其鈔本

病枕憶得壬午年有黃鶴樓大集用熊渭公韻一首

四言

菴齋詩分體彙辛酉年廣哀詩第一有熊文學肅一首

自注  
字渭

公黃岡人癸未武昌陷赴  
通山王蓮池死 五古

正鈞按先生壬午赴計偕自衡陽至南昌明年以道阻由  
南昌返衡未嘗復至武昌而渭公亦卽以是年殉節乾溝  
園詩蓋刻在癸未而渭公序實作于上年也

又接先生早歲外間會文之友莫著于渭公廣哀詩有二  
勿用學秦觀眉山同汨沒生死四十秋奉此爲津筏先生  
生平力排蘇氏之學其淵源蓋有自矣

李雲田以默

李以篤字雲田別號老蕩子湖廣漢陽人性骯髒坦率嗜讀書

九經諸子百家縱橫案間爲文多奇情異趣不屑科舉業郝煥  
元督楚學謂人曰吾按視十五郡無右李生者入成均輦下諸  
名流爭招致而意落落也天崇間竟陵鍾譚之說行幽微僻澀  
天下嚮風以篤獨超然謝去其不隨流俗俯仰如此惜僅以詩  
鳴箸有菜根堂醉白堂集

王氏士禎感舊集補  
傳 湖北詩人徵略

夕堂永日緒論外編云因憶昔與黃岡熊渭公雷李雲田以  
默作一種文字不犯一時下圓熟語復不生入古人字句取  
精煉液以靜光達微言所業未竟而天傾文喪生死契闊念  
及祇爲哽塞

正鈞按感舊集補傳作以篤當是雲田後所更名雲田係

漢陽人亦見廖氏楚詩紀徐電發續本事詩云雲田才高  
淪落翼芝麓爲賦老蕩子行吳梅邨集亦有老蕩子失意  
行贈李雲田緒論外編與渭公均屬諸黃岡蓋傳寫者脫  
去漢陽二字也

王又沂源曾

朱靜源

熊南吉

王源曾字又沂黃岡人

南窗漫記

正鈞按黃鶴樓之集據南窗漫記實又沂息熊渭公主之  
病枕憶得壬午有舟發武昌留別熊渭公王又沂李雲田  
朱靜源熊南吉七律一首靜源南吉雋里均俟攷南吉或  
是渭公宗人皆爾時會文之友也

又按劉氏毓崧云按先生與熊渭公李雲田相識未知年分壬午秋渭公會同人于黃鶴樓先生亦在座然未必是時初識面也熊渭公與雲田皆湖北人距衡陽頗遠是時湖南北統稱湖廣未經分省鄉試皆在武昌疑鄉試時武昌相晤今按先生年十四入學至壬午舉于鄉十年之中更四次鄉試其間自應往試武昌

按中間往武昌應試無明文惟憶得丙子年有

黃鶴磯五律一首

則與諸人交接必非初識于壬午可知

劉行人自煜

劉友光原名自煜字杜三攸縣人前明丙子舉人入國朝爲沙河知縣陞行人未赴卒著有西遊草南北行吟把茅外紀終

風宵鈔南園雜述香山草堂正續集

沅湘耆舊集小傳

南窗漫記云劉杜三自煜雖自託于竟陵而不全墮彼法往

往有深秀之句其將入閩應召徑衡有夜宿前溪

去郡三十里

見

寄詩飄零吾久矣離亂欲何之愁絕遙天碧哀餘斫地時南音同在耳西爽獨支頤相見情無限何能盡所思固自惻惻警人不昧

又云杜三後寄余山中詩亦足增人愴然之

之懷病鶴無枝帶箭飛經年蕪穢惜漁磯繞牀行腳同香飯哀筑當筵仍故衣築室喜聞名士竝望門眞被酒傭非一蛇霧隱南天遠綿上何人問割腓

說文廣義云攸縣劉杜三自煜作畫自題曰設本周禮設色

字較爲雅當

病枕憶得壬午年有劉杜三馳書見訊以歌者秋影見屬答  
之一首七絕 乙酉年有劉杜三將至于前溪渡題書扇見

寄賦答一首五律

正鈞按憶得賦答前溪見寄一詩隸于乙酉則杜三赴闕  
應召正唐王稱號隆武之元年詳桐城錢澄之所知錄云  
攸縣舉人劉自□爲督師何騰蛟齋奏至行在騰蛟力薦  
其才召對稱旨特授檢討以爲騰蛟德也詞林中乙榜惟  
劉自□一人而已當卽自煜無疑其寄山中詩末二句用  
介之推事應在先生從王歸未久據章靈賦注及自定稟



各詩辛卯以後三數年先生託迹常在祁邵間其與相往還著見者有劉惟贊鄒統魯羅從義諸人

詳下弟八卷

詩中所

言名士必不出此數君也

又按友三詩淒切婉秀耆舊集錄至一百三十首一時故臣遺老多有酬贈之作中有鄧阜山七律一首云疊級開雲谷漸深窮援到此想投林龍麟洞下松間雨鶴步涼追竹裏音丹竈可延亡命客黃冠難遂故園心彩雲南望銷魂盡留得餘生學醉吟鄧氏顯鶴云按山在茶陵東八十里讀此詩知杜三之不能不出山也然其言亦可哀矣

包孝廉世美

包世美字乃蔚衡陽人父友榮母鍾氏以孝姑稱世美中崇禎

壬午舉人

沅湘耆舊集小傳  
衡陽縣志列女

正鈞按衡陽新志郭鳳髓傳云壬午衡陽舉者七人而得

六節士

按七人先生昆弟外爲李國相管嗣裘鄒統魯唯  
郭鳳髓包世美國相以下四人均見遺書中

包世美無所見今攷鄧氏沅湘耆舊集凡例列湖以南詩

人有云以及船山諸友下注云洪業嘉劉惟贊管嗣裘包

世美諸人按鄧氏所言必非無據所選乃蔚長樂山居一

詩

詩云炎蒸向晚歇寂坐倚檐楹風覺意先解月當郵忽  
明瓜陰涼展葉禾氣水疏莖近覺山居好聊娛物外情

亦清潔可想見其人則與先生同年同邑必相友善也

船山師友記第七

湘潭羅正鈞纂

朱王孫禮黎

朱禮黎號紹南藩支定灼曾孫也少補州學弟子員能詩書法宗二王武岡碑碣多出其手性耽禪悅建一庵終日坐其中有不滓軒詩草與州人劉春萊齊名鄭親王之取寶慶也隆回未增禮黎依之以適應滇黔之師桂王沒禮黎以郡王冊寶卒于

隆回

寶慶府志  
貢翰傳

病枕憶得甲申年有逢明王孫邀同治仲小飲觀伎卽席賦  
王孫名禮黎書法妙絕精禪理比以請兵平亂幾死於賊七

律二首

正鈞按是年春先生出蓮花峰

蓮峰志序云甲申春始出自峰下

道過武

岡因至永州東安

按憶得是年有武岡道上槍賦一首東安得歐陽叔敬詩賦答一首

逢王

孫詩編於武岡道上一首後蓋遇王孫於武岡也又按寶

慶府志明代藩支表禋黎爲南安王彥泥六世孫始封岷

莊王梗

太祖弟十八子

十世裔孫

李徵君繼體

李繼體字震隅永興人性穎異博通書史篤孝友天啟辛酉副

榜應就銓選以母老不仕撫兄遺孤如己子有盜入其室繼體

與語曰衣物任取幸勿毀我書籍盜慚而退

郴州總志清品

正鈞按蓮齋詩分體稿丙寅年寄訊李爾雅詩題云爾雅  
尊人震隅先生先君同譜執友乙酉夫之侍先君避兵于  
便館其宅上詩末二句云當日中原雙轡縮夢中還似憶  
瑤京自注先君與震隅先生兩次連轡赴都詳五十自定  
稿戊子歲永興廖鄧二君邀宿石角山僧閣是侍先君及  
仲兄鏗齋遊處五律二首起二句云十月寒潭改三年客  
艇過末二句郴江隨逝水不與挽流波按戊子前三年正  
是乙酉與寄爾雅詩可以互證蓋震隅以年誼素相親善  
時值避寇館其宅上也爾雅名樸大詳第十二卷

洪文學業嘉

洪業嘉字伯修湘鄉人補文學喜交遊吟咏與同邑龍孔蒸歐陽淑稱湘三詩人永曆丁亥春降將王進才之兵潰掠而走湘西業嘉死於亂兵著有嬾吟隨草

蘊齋文集孝烈傳  
沅湘耆舊集小傳

南窗漫記云上湘洪伯修業嘉與同邑龍季霞孔蒸以吟咏相尚擺脫凡近往往得霜鶴唳空之致丙戌開楚闕于衡陽伯修落第歸徑嶽後賦詩六首寄意宏遠此豈經生心腎中所能有此種性者未幾爲亂兵所害何從更得斯人與遊大雅哉

梅花百咏自序云上湘馮子振當蒙古時以擗闕游燕中頗以文字自緣飾亦或與釋中峯相往還曾和其梅花百咏隆

武丙戌湘詩人洪業嘉伯修龍孔蒸季霞歐陽淑子私和馮  
作各百首余薄遊上湘邀余共綴其詞既已薄其所出戲作  
桃花絕句數十首抵之以示鄭重

漫記又云丁亥春余呂窮愁客上湘日與伯修季霞歐陽子  
私淑江陵李廣生芳先痛飲忘昏曉一夕渡漣水就宿僧舍

正鈞按丙戌爲順治三年其年唐王聿鍵在閩稱隆武二  
年故梅花詩序中尙稱隆武先生至湘陰上書章文毅曠  
在是年之夏詩上卷弟而秋間伯修亦尙應鄉試衡陽以是

知先生在湘鄉與三子相倡和當是冬初也攷永愍實錄  
王進才兵潰係丁亥二月先生病枕憶得丁亥有元日續

夢庵用袁石公韻七律二首

按續夢庵在雙髻峰先生所營病枕憶得卅卅年有將營

續夢庵登雙髻峰訪止一首

則丙戌倡和之後已復返嶽以丁亥初春

復至相聚未久而伯修亦遂及於難也

龍孝廉孔蒸

龍孔蒸字季霞湘鄉人崇禎壬午舉人流寇破長沙購捕紳士授偽職走匿萬山中或攜瓢酒登絕巘悲歌竟日與同縣洪伯修業嘉湘潭王山長偕友善自號筆樵作悠悠筆樵夫四首以見志丁亥潰兵掠湘鄉攜家避石板橋以護母遂及於難所箸有類吟自刪存草

沅湘耆舊集小傳

南窗漫記云季霞與王山長偕夜語詩云竊聽誰窗外琅然



動壁琴蓋季霞欲與湖上作者矯竟陵纖弱之習追軌大雅而有志無時與伯修同時遇害悲夫

正鈞按南窗漫記引述疇昔所辱贈示之作有龍季霞孔蒸又年譜劉氏毓崧云蓮峰志卷三稿本有上湘龍孔蒸季霞訂之語按蓮峰志當成於丙戌按志沿革門稱堵允申出自蓮峯下無歲不至言無歲不至必非作於乙酉若作於丁亥則桂王已加允錫總制不得但稱楚撫生時客湘鄉故季霞與於參訂也

歐陽太僕鎮

子淑

歐陽鎮字山公湘鄉人崇禎壬午舉人雄於文湘鄉志文苑傳稱其練博通雅詩篇雄麗淹洽湖中稱詩者推爲老宿兼工行

草書子淑

按南窗漫記淑字子私

亦有才名譽和海粟百梅詩一旦夕得

二百首戊子春父子俱殉亂死或曰鎮官太僕

沅湘耆舊集小傳小腆紀傳

百梅詩序云隆武丙戌湘詩人和馮作各百首歐陽子私淑  
炫其英多倍之脫稿後一卽相示

病枕憶得丁亥年有上湘劇飲陽山公宅上同李廣生洪伯  
修龍季霞山公郎君鄭石夜分歸宿蝻慶庵月上有作一首

律七

正鈞按憶得上湘劇飲一詩與南窗漫記所云日與伯修  
季霞歐陽子私淑痛飲忘昏曉就宿僧舍正一時事皆舊  
集鄧氏顯鶴日檢船山集中有李廣生自黔生還歸闕宰

爾吟贈並感洪一龍三陽太僕山公及邱君鄭石諸逝者

一首

按自定稿諸逝者下有浮湘亭之遊五字

按洪一名業嘉字伯修龍三名

孔蒸字季霞皆湘鄉名宿獨山公以官稱太僕或當日崎嶇嶺粵所受爵而方志失攷未之載也鄭石卽予私無疑又接劉氏毓崧曰嶽餘集稿本有同里夏汝弼上湘歐陽淑訂之語今詳先生與夏叔直遊白峯爲丁亥五月詳上卷則洪龍春間遇害後先生尙未去湘鄉予私父子殉亂尙在次年戊子以此知先生與叔直遊白石峯時予私必尙相往還故得共訂其詩也

肅一夔常廢

蕭常廢字一夔湘鄉人仕履無攷

沅湘耆舊集小傳

惜餘鬚賦自跋

溫齋逸文

云回憶丁亥夏做少陵文山作七歌與

夏叔直氏將奔辰沅至中湘道阻不能往重爲匪人所困將斃溝瀆得上湘人士蕭一夔破壁相容敗屋荒林相對哀吟遺稿已亡參差憶得者如此

病枕憶得丁亥年有蕭一夔邀飲桐陰聽叔直彈漁樵問答

一首五律

正鈞按耆舊集鄧氏顯鶴曰湘鄉流寓志載蓮冠道人邑士蕭常廢見而識之邀至家居月餘乃去按道人卽夏叔直先生與夕堂老人交篤其遊車駕山白石峯常偕常廢

邀主其家居月餘作兩先生東道主人談何容易則常磨  
非常人哉今搜得惜餘鬢賦跋并憶得丁亥一詩正足與  
鄧說相發明惟遊白石峯時先生年甫三十夕堂老人係  
晚年之稱鄧說於此稍未致審

### 阮參軍志道

阮志道字路然別號淡明常甯人早歲讀書太學釋褐授中城  
兵馬副指揮先後以勲蒙溫旨陞華州同知攝朝邑興平二縣  
務有逆賊猝起斬關稱號乘間搯磔之以最當殊擢不致請謁  
用例陞江西按察司經歷攝奉新假歸

逸文阮淡  
明墓志

阮淡明墓志云昔歲在癸未余兄弟隨計吏北上烽屯陸阻

舟次章江臘酒春燈過市問俗莫不言阮參軍者攝奉新所  
治如專吏加虔顧深惻然以共嶽雲膚寸未面交也戊子夏  
芒屨踏暑雨晤公山中古貌深情名言玉屑聽者莫不神怡  
無幾而謝世卒之四年嗣君文學鄂以狀請誌

文存常  
甯縣志

正鈞按先生與管舍人嗣裘舉義兵應是戊子秋間今淡  
明墓志云戊子夏芒屨晤于山中殆章靈賦注所云涉歷  
險阻涓戒同志者歟

### 曹明經國光

曹國光字伯實邑明經少博學能文每試輒冠軍嘗集漢唐宋  
人語作八股藝比偶天成如出己作性方介不妄投分然逆而

善諧郡邑有文譽者皆爭與之遊及子鶴已成明經諸孫皆成  
諸生又弄孫矣光乃獨築一室日手一卷不少釋率一月置酒  
召子若孫盡歡焉笑曰陸賈言數見不鮮良是也鄉人有爭輒  
往平之不解則脫巾以請有大不循者自相戒勿使聞鄉人皆  
以方高文通王彥方焉莊居有櫛數千株直可百餘金比處者  
誤遺火炮燼願抵牛豕粟縷及身與妻子充居作償之光乃詭  
言野燐慰遣之其爲長者行率如此每歲鄉飲邑宰敦迎終不  
赴卒年九十

未陽縣志  
篤行傳

病枕憶得乙酉年有未陽曹伯實翁丈招同陳耳臣廣文訪

杜少陵故墓一首

律七

五十自定稿戊子年有耒陽曹氏江樓遲舊遊不至一首律

正鈞按江樓蓋卽伯實所居稱爲翁文其年輩應長於先生詳行狀云已而諸公辟檄兩及府君卧耒陽不往證以戊子一詩題云遲舊遊不至可見曹氏江樓爲先生所常寓居之所先生以戊子冬兵敗走行闕據章靈賦注云遂繇郴桂入粵則耒陽爲塗所必經詩領聯云韓城公子椎空折卽指舉義兵敗楚國佳人橋過秋知其作於秋末末二句云霜華夜覆荒城月獨倚吳鉤賦遠游則爲行將度嶺言也



船山師友記第八

湘潭羅正鈞纂

劉孝廉惟贊

劉惟贊字子參祁陽人崇禎己卯舉人性剛介尙氣癸未之亂與衡州同知鄭逢元督義勇殲賊魁國變後以中書屢徵不就隱居西春之石門庵榜曰白雲其地在祁邵之交宅旁有鯉魚山所常還往者王船山鄒良峯郭季林諸人外莫能見也日坐崖中吟咏自適與世事絕一夕夢陳忠潔公遣以書撫膺涕泣曰澹元其召我矣未幾遂卒

沅湘耆舊集小傳

永歷實錄嚴起恆傳云永歷三年春楚師敗于湘潭何騰蛟

被害楚兵四十萬矢主洶洶蹂衡永郴寶開永州舉人劉惟  
贊徒步詣行在疏言往者孤倚一鵬蛟其勢已危今鵬蛟且  
已矣而諸帥之所共爲尊信者自輔臣起恆而外四顧無其  
人國之存亡惟在起恆之一出而已如以臣言出草茅不足  
與聞國計陛下誠遣一使徧察江楚黔粵將帥有一不謂臣  
言爲允者臣請尸兩觀之誅若因循不果勢必一營一督簡  
任非人連雞駭散民怨兵疑更無可爲之勢矣疏入下廷議  
起恆不果出已而諸軍無統以趨於盡卒如惟贊言

冰林詩序

薑齋分體稿

云癸巳冬作冰林近體十章亡友劉子參

許以偉麗子參謝世稿亦佚亡今年始春承臘萬林一色憶

前詩清思杳不相卽率爾別裁不能就泉臺問子參江文通  
才盡與否相賞無人雖拙何嫌哉

永州府志名勝劉惟贊石門記云環石門而中處有臺臨流  
傍壁高可六尺許予日坐其中取宋人九九書讀之千迴不  
輟若將忘爲鄭作者蓋丁亥冬杪也距臺十餘武有瀑泉予  
曰濯足泉泉之左十里爲鯉魚山去七姑嶺五里山上有巖  
予曰濁巖或尼之予曰涇渭將誰別纓足自我裁坐濁巖者  
蒸水兩人澆水一人而已三子者數往數來獨予寢食巖中  
歷十望朔時哭時罵時笑時歌曾占兩語柬諸同人有一曰餓  
比墨胎猶有飯寒疑紫窖却無霜又曰但得三軍饒葛管不

教一世盡修融蓋長至先五日也當是時世人皆清甯容吾  
濁濁者惟泉與巖脊若有情因蒙斯號以存形影不然高者  
蒼蒼深者泱泱而昌是名吾泉與巖百世之下耳目之者不  
將謂冤此山川哉兩人者包子某鄒子統魯濱水惟羅子英  
同人則衡陽二王氏介之夫之及郭子某甯子朝桂吾邑徐  
子璨也歲著雍困敦初秋命門人田子山玉鐫之石

病枕憶得己卯年有子參計偕北上便寄奚中雪一首

五律

五十自定稿辛卯年有小霽過楓木嶺至白雲庵雨作觀劉

子新亭紋石留五宿二首

題末自注劉云亭下石門石座  
似端州醉石遂有次作

五古

藍齋分體稿辛酉年廣哀詩第十七有劉孝廉惟贊一首

自注

字子參祁陽人避髮山  
中丙午告終 五古

正鈞按病枕憶得一詩子參與先生締交甚早其徒步上  
疏以永曆三年春是歲己丑先生正亦以上年冬至闕故  
廣哀詩有念昔奔端州與子相昂激之句觀新亭紋石詩  
注云似端州醉石則亦往時所同寓目而感觸及之也辛

卯爲順治八年

按是年桂王在梧州  
稱永曆五年

是年先生由粵返楚

劉氏年譜云辛卯夏間僑寓祁陽與劉舍人惟贊所居鄰  
近時相往還稽攷至爲精確今按六十自定稿有懷入山  
所栖林谷二十九首就中青谿石門西石門松紋石亭塢  
雲庵四首自注右祁邵之間與惟贊傳所言祁邵之間正

同所詠各處亦與子參隱居之地名稱僅亦小異又廣哀  
詩有云結伴逃天刑數子爭的礫塵心中夜動機械同牆  
闔君死遂紛紜君存猶媿怒尤與子參借隱明證詳冰林  
詩序及各詩其交誼之厚可想觀紋石詩作於辛卯而自  
定稿又有癸巳元日期同劉子參過白雲庵一詩詳下則此  
三數年間以寓居相近過從留宿爲尤密也

鄒舍人統魯

左素公

鄒統魯字大系一字近野號良峯鄒縣籍衡陽人修幹美丰儀  
天性孝友崇禎乙亥拔貢廷試第一壬午舉人統魯有至性舉  
動奇偉衡州陷賊迫紳士受僞職統魯之父承芬傷之曰百口

小計耳袁閻士室黃巾不入勿我憂勉爲秦庭之哭可耳乃單  
騎之粵上書總督沈猶龍謂保粵莫如援楚猶龍疑之適統魯  
之友羅定牧包爾庚在坐曰此楚奇士尙氣節負經濟才在商  
雍同研席知之最悉乃從其請卒導總兵宋紀出楚疆復郴衡  
各郡桂王稱號授中書舍人後隱居祁邵山中所在載書篋十  
數以從崖栖谷隱人莫得而軌迹也統魯居邵久常主中鄉甯

朝柱家

寶慶府志遷客  
衡陽縣志

廣陽襟記

大興劉勳  
延繼莊著

云鄒統魯衡陽人與王而農先生同舉

於鄉

五十自定稿癸巳年有元日左素公鄒大采期同劉子參過

白雲庵茶話二首

五律

正鈞按良峯上沈猶龍書今存湖南文徵五十自定稿庚寅有康州謠追懷義興相公是去秋同鄒管二中舍會公地一首管爲嗣裴治仲鄒卽良峯也章靈賦序云明年癸巳筮復如之善道斯章因賦以見又注有云蒸水出耶薑山今謂之黃帝嶺時避地近其處按水經注承水出衡陽重安縣西邵陵縣界耶薑山在今邵陽縣東據此則章靈賦作於癸巳居耶薑山時今攷耆舊集載良峯詩正有耶薑山寓齋秋夜七律一首證之癸巳元日一詩則先生與劉子參寓邵時良峯所居相距不遠也左素公未詳



羅文學從義

羅從義字養浩邵陽人祖時仰父維極世以隱耀重于中鄉從義頎秀美髭髯穎慧絕倫明季爲縣學生以世亂深自韜晦購書數千卷閉戶默誦悠然自得與同縣車以避祁陽劉維贊及衡陽二王交好夫之奉其母避亂中鄉流離之中適有甯居皆從義周全之力也性嚴重端居言笑不苟而事孀母彭不改嬰孺之色側身兵火曲盡孝養母年九十卒悲感行路從義內行甚篤內友諸昆旁及羣從逃宗三黨俱無異視又以其暇治田園廓庭宇嘉木清沼自怡其性故處亂離而顧瞻俯仰寬然有餘年五十七卒夫之爲志其墓子瑄

賈慶府志  
遺民傳

寶慶府志遷客王夫之傳云初夫之流離避亂寄居無定所  
足迹恆在邗邵間其奉母居邵陽中鄉主於羅從義家最久  
教其子瑄成名宿中鄉之人恆樂親之從義死夫之爲志其  
墓有云余之納交於邵人士也自養浩君始而君保先孺人  
於離亂之中適有甯居尤余終天之不可忘者養浩從義字  
也

正鈞按養浩墓志文集失載府志言奉母居邵蓋卽據墓  
志中數語今詳先生癸未至乙酉常侍武夷先生避兵永  
興丙戌丁亥兩年足迹恆在湘鄉戊子己丑則從王嶺外  
先後無奉母居邵事攷譚太孺人行狀篇末云介之奉母

匿草間夫之開闢嶺表不得奉臨終之訓永厯庚寅八月

初二日時介之奉諱于祁陽山中其明年合祔于先君子

之石

按今文集所存無此數語茲從逸文摘出

則奉母確係石崖先生今養浩

墓志無身侍孺人明文第云君保孺人於離亂之中語意

正自未泥按五十自定稿已丑有自南獄理殘書西歸慈

侍困于土人殆濱不免太孺人恒慙廢食既脫諭令去此

有作聊呈家兒一首邵陽在衡陽之西故云西歸慈侍蓋

是時石崖先生正奉孺人在邵先生歸省以遇難而諭令

去之也故詩有錯認漁郎歸棹晚桃花不爲避秦開之句

其始識養浩必在是時若所云居邵主其家最久應在辛

卯返楚以後矣

羅明經英

羅英字若庸一字得我邵陽人歲貢生與衡陽王介之夫之兄弟爲莫逆交以經學行義相切劘邵人所稱貞士逸民識與不識皆尊之曰得我先生明末瞿武邦知其才嘗禮致之英知事不可爲辭不就乙未以後鬚髮令下英避入萬山中當事知其賢不加迫責夫之子致志其墓云膚髮等秦山之重冠裳從朔初之風者指此也性篤孝母病旨求醫數百里外哀號勤懇行路感動吳逆踞衡郡人士多歛迹於祁郡西偏英以詩酒往還當金戈鐵馬之世不乏琴詠之趣壽八十有三

寶慶府志  
遺民傳

寶慶府志遷客王夫之傳云其地有羅英者尤與爲莫逆交  
英字得我邵人所稱得我先生者也

七十自定稿丁卯年有重過三山與故人羅君遇贈之一首

自注羅君名映字若庸邵陽人時垂執先兄之紼

七律

正鈞按府志遷客傳其地二字承上居邵陽中鄉主于羅  
從義家而言蓋英亦居中鄉也與羅君遇詩注云名映映  
字當是英字之譌詩首二句云三十九年彈指閒居然無  
恙只青山丁卯上溯三十九年爲永歷三年己丑其年先  
生由間道赴闕嘗經邵陽省母而得我之膺瞿薦當亦在  
是時詩特以患難之際追念及之耳遷客傳云爲莫逆交

非僅一見於三十九年之前可知也傳云敵志其墓則得  
我之沒應在先生之後虎止別有挽羅得我先生七絕三  
首白注云先生全髮以道服終見沅湘耆舊集中

甯孝廉朝柱

甯朝柱字六孳一字廻瀾邵陽人家貧年十五爲人傭夏夜挽  
桔槔作歌里人周宏道異之資使學三年通五經補諸生獨居  
芭蕉峯下然松脂照讀苦無書擇藏書家授徒得恣覽益博洽  
丙戌以五經魁楚士名大著與衡陽王夫之鄰人鄒統魯交好  
夫之統魯避亂連邵間多主朝柱家統魯有再至邵陽山中寄  
甯六孳詩云朔風一夜變蒼雲三月鄉關酒未醒亡命誰開北

海壁還山漫寄草堂文冰花有意逐人合椽子何情借鳥分旌  
箭不須愁滿眼荆州樓色繫前軍玩其語意殆亦謝舉羽黃東  
發一流人也

寶慶府志  
遺民傳

正鈞按劉子參石門記述同人有甯子朝柱寶慶府志遷  
客鄒統魯傳云常主中鄉甯朝柱家則六孳家亦在中鄉  
先生與中鄉諸羅交好故時亦往來六孳之家也

### 王山人文儼

王文儼常甯人明季常上中興戰守策鍾山軍乏餉文儼邀七  
十里長動以捐輸國急親董解赴軍晚年隱居東卜園稱東卜  
先生衡陽王而農先生來隱常甯之西莊園爲猿人食飲皆文

儼供贍之

者舊集王國甲詩注

正鈞按者舊集載王國甲

小傳云國甲字鼎三常甯人縣學生著有拾遺山人詩鈔

述

舊詩第二首云戰守中興策切時空復聞七倉河上粟一

餉鍾山軍東卜餘殘壁西園待隱君承平懷往烈譜牒有

遺文自注云明季高祖文儼先生上中興戰守策命未下

鍾山軍乏餉耒陽令奉委催科至署丞不知所爲高祖具

酒食邀七十里長動以捐紓國急乃預擇縣治西河干民

倉七以侍不二旬得十之八時沿途叔搶高祖親董解赴

軍晚年隱于東卜園號東卜先生衡陽王而農先生來隱

邑之西莊園爲孺人飲食皆高祖給之時湖南兵亂乃收



族修譜使不流亡按鄧氏耆舊集先生小傳云緬甸既覆  
沒益自韜晦常匿常甯猺峒變姓名爲猺人今攷常甯縣  
志流寓王而農先生甲午山南嶽移居常甯之西莊源丙  
申生子致丁酉復返南嶽寓甯三載爲邑人說春秋居游  
多有題詠與五十自定稿丁酉有西莊源所居後嶺前壑  
木末清沼凝陰返映念居此三載行將舍去因賦一首互  
證則國甲詩注正足徵信惟西莊源源字作岡則因聲致  
譌又按甲午爲順治十一年桂王在安隆稱永曆八年先  
生時年三十有六章靈賦作於上年癸巳居邵之時已決  
志隱遯鄧傳叙居猺峒事于緬甸覆沒後小誤

又按國甲詩注文儼行誼殊不愧先生東道主人劉氏毓  
崧云其元孫稱爲文儼先生當是其字也其名竣攷

殷廣文銘

殷銘字浴日常甯人順治朝貢生官澧州學正與衡陽王薑齋

先生交好爲序其文集行世

沅湘耆舊  
集小傳

薑齋文集殷浴日時藝序云家則堂南歸以春秋教授則未  
知所授者以道聖人經世之意耶其以爲所授者羔雁之技  
耶謝侍郎賣卜與子言孝與弟言弟則授以道矣技道合則  
則堂可無河漢于疊山何也進乎道矣甲午避兵入宜江山  
中有姪子之慟浴口拂拭而慰之少閒無以閱日浴日始以

帖摺見示繼此而宜江士友汎晉而與言帖摺浴日少與余同文場已與余同漂沒今又與余同爲訓誥師以自給以意徵言將期於道有知言者當謂余非與浴日言技也

正鈞按劉氏毓崧云浴日本常甯士人避兵宜江山中與先生所居相近并以授徒自給故序引家鉉翁之事相勉也今攷一統志宜江出常甯東南塔山六十自定稿庚戌懷入山所栖伏林谷得二十九首就中西莊源小祇園二首自注右宜江據此則與浴日避兵宜江山中時當卽寓居玉東卜之西莊源也

船山師友記第九

湘潭羅正鈞纂

王愷六

王愷六衡陽人

自定稿

和甘蔗生遺興詩序

夕堂戲墨卷二

云今春有杜鵑花不覺到鐵牆

坳王君延入新齋爲他和石灰泥壁忽拈一帙詩沒其所自

得教認取誰家筆仗卒讀久之乃知是跋漢王君笑指石灰

桶說尋常謂道人認得行貨今乃充此物經紀眯著眼看杵

斛耶者是十三年借山在靈谿所作於是次韻和之

按年譜劉氏錄

崧曰按六十自定稿己酉有效和梁體壽王愷六詩云鐵牆

坳頭綠鳳樓此序所云王君必是愷六又云詩中用衛公二

字自注云甘蔗生故字今攷衛公係金堡之字堡又號借山亦稱甘蔗生序中稱跋漢因其受杖後左足跛也

五十自定稿乙巳年有愷六種鳳仙花盈畝聊題長句一首

五律避暑王愷六山莊會夕雨放歌一首

歌行

六十自定稿己酉年有效柏梁體壽王愷六一首

歌行

正鈞按常甯縣志藝文載知縣張菊人芳寓先生書云頃  
襪被雁峯有客持蠶齋落花詩當非而農王子不能次日  
遇君家愷六乃知方平仙人不妨戲擲長爪姑丹砂也攷  
落花詩序云庚子冬初得些庵大觀諸老詩和之其戲墨  
中諸落花詩當是一時之作據此則愷六之晤張令必不  
出此兩年間詳先生以丁酉去常甯西莊源返南嶽戊戌

己亥兩年寓居嶽後

按葦齋詩贖稿丙辰贈戴晉元詩題云戊戌嶽後尋訪五十自定稿己亥

年有南嶽摘茶諸詩

虎止湘西草堂記云迄歲庚子乃徙居於湘西

之金蘭鄉卜舍於茱萸塘造小室曰敗葉廬庚子先生年

四十二歲自徙湘西遂爲定居遣興詩序後注茱萸塘記

中云看杜鵑花不覺到鐵牆坳則愷六山莊相距不遠又

張菊人書有云愷六又極言葦齋近口箸述淵廣覃精經

苑蓋先生還山之初與愷六往還甚密故得深悉先生近

狀而愷六之爲人亦可想見矣惜其名與事迹無攷觀遣

興詩序所云愷六應亦與道隱諸人相識也

又按己酉壽王愷六詩云鐵牆坳頭綠鳳栖就君踏花蹤

香泥君今儼字當湘西我旬過五君始躋年譜劉氏毓崧  
云按是年先生五十一歲愷六五十歲鐵牆坳爲先生舊  
遊之地茲復儼居湘西蓋與先生卜鄰矣

李孝廉國相

李國相字敬公一字辛巖原籍富平嘗應募隨都督劉綬平楊  
應龍以功赴部聽敍下三峽舟覆負母出巨浪中功牒漂失因  
浪迹湘衡間崇禎壬午以衡籍舉於鄉遂爲衡陽人性醇摯外  
和內剛人莫窺其涯際張獻忠陷衡徧索紳士強以僞職不赴  
者死國相引刀刲兩股示不可用得免鼎革後自南嶽轉徙山  
谷歲更其處晚築小室植桃數株稱桃塢老人性與道合讀書

諷詠得大旨而已著逸齋費詞二卷均佚

沅湘耆舊集小傳 衡陽縣志

南窗漫記云小築如拳之室戲作數詩或和之唯芋巖一首  
深爲枯木撒花軀殼爲誰留相看已白頭從人嗤倔強貴自  
備春秋寒盡鴻聲斷春歸草色柔餘霞擊晚照峯翠逐人流

又云芋巖李敬公國相遺稿屬余訂定今錄其佳句云

絕壑愁難託違知自有身因之徵旅况能不念伊人日月無

私照山川有異垠懷哉于役者落落聽風塵

懷管治仲百粵

孤概淪

荒域生辭一夢慳問天孤雁字無地釣魚灣挂劍情誰寄焚

琴恨未刪蒼梧有舜迹君志在其間

哭夏叔直九疑

衡陽新志李國相傳云國相尤善介之兄弟高冠褒衣數相



往來夫之多悲憤激發益力自述作國相恬淡優游不役役  
於文字或吟詠爲樂及服食神仙之術然皆非其好也凡隱  
居三十年先介之卒 又山水志云船山南二里有桃塢

李國相隱居之地王李同志互有歌詩

五十自定稿乙巳年有和停雲贈芋巖五十初度四首四言

丁未年有問芋巖疾一首五古 戊申年有涓水月汎同

芋巖一首五律 己酉年有過芋巖不值一首 不揆五十

齒滿懿庵見過留同芋巖小酌一首七律

六十自定稿戊午年有同須竹送芋巖歸空竟小艇泝湘轉

郡城有作二首七律

薑齋詩分體稿辛酉年廣哀詩第十五有李孝廉國相一首

自注字敬公避髮桃  
塢戊午告終

五古

甲子年有爲芋巖定遺稿感賦二首

七律

正鈞按敬公與先生以壬午同舉於鄉國變後轉徙山谷

三十餘年其貞苦之節可想詳先生道迹後早歲外朋友

朋所與寄贈者尙眾

詳下  
二卷

而同邑如夏叔直文小勇諸人

均早歲淪喪郭季林亦沒於先生返楚之時晚歲惟敬公

以同志幽栖數相過從桃塢地在湘西

五十一自定稿庚戌  
懷人山來所栖伏

巖谷就中小雲山昭陽庵馭問巖桃塢雪竹山  
萊英塘敗葉廬觀生居八題自注右湘西

六十自定

稿已西有因林塘小曲築草庵開南窗不知復幾年晏坐

漫成六首草庵卽指觀生居題云呈桃塢老人

按詩第三  
首用十一

尤韻押留頭秋柔流五字卽漫記所述芋巖所和之原唱則敬公蓋久已卜鄰於此觀和陶詩作於乙巳蓋其年長於先生三歲下距戊午三十三年則敬公年六十有三而沒也

又按衡陽縣志李國相傳云其先貴州人以醫世其家爲桂王府醫官故國相著籍衡陽舉於鄉鄧氏補輯楚寶國相傳亦言其以醫事桂王府耆舊集係鄧氏晚年之書其前後互異必非無據但劉綖戰沒在萬厯己未敬公時甫三歲安得有應募之事或爲敬公先世事而偶失檢尋也

管文學嗣箕

管嗣箕字弓伯衡陽諸生與弟嗣裘並以文行見稱好縱酒傲

岸人莫測也流寇得嗣箕索其弟嗣箕詭言死矣乃送嗣箕湘潭繫之獄嗣箕談笑晏如兩月寇遽得歸後嗣裘從王死嗣箕則益託於酒居鄉中絕不與諸人往還以壽終

衡陽縣志

永歷實錄管嗣裘傳云張獻忠陷衡州嗣裘走匿深山獻忠促令捕殺之其兄嗣箕爲應捕代死會獻忠去得免

管大兄弓伯挽歌序云有明文學管嗣箕弓伯以今癸卯冬卒于南嶽百丈山病乃使余有宿草而不得哭其明年返靈筵于高節里之故居乃伸一慟今勿說弓伯之死得年五十有二歿終于室弓伯固久不期此癸未賊投人于湘水雁行相接兄犯其不測以保難弟之節一死矣戊子起兵不利縲

而繫諸潭獄刻日就白刃者一死矣庚寅流離困病于嶺海  
犯難以護難弟子長林一死矣以身突其三死而誰期爲一  
者之考終復得此十三年于荒山樾徑之中昔不爲兒賊而  
今爲兒哀耶妄也

薑齋詩分體稿辛酉年廣哀詩第十二有管文學嗣箕一首  
自注字弓伯癸卯沒五古

正鈞按先生同里友朋於弓伯兄弟尤爲患難之交挽歌  
序云戊子起兵卽先生舉義事當時弓伯蓋同在行間以  
兵敗爲賊所繫也其脫治仲於難尙在癸未而縣志併爲  
一事自庚寅至癸卯正十三年弓伯蓋又偕治仲至粵以

桂林陷後返楚也

唐處士克峻

唐克峻字欽文衡陽人文學風儀之孫天性敦篤執親喪慎終如禮于時草澤起家至大位者相項背或慙災出仕則笑而不答暇則寓目書史以自怡口不言財利每嘆曰讀者知讀耕者知耕舍是而喋喋於賦役獄訟吾見老輩多矣未有以此矜能者也己未沒鄉人士諡之曰孝亮

逸文唐欽文墓誌

唐欽文六十壽言

壽齋逸文

云欽文氏始與其伯子從家兄石崖

游登堂而拜先徵君吾因得與定交以至於今三十七年如

一日

唐欽文墓志

舊齊逸文

云執友孝亮翁欽文唐君卒於正寢嗣子

端典端笏以誌銘請含悲增病不能受命端典方躬役墾事  
端笏越苦次踵門泣曰吾父待此以安于泉壤辭不獲命輟  
涕而誌以翁信我爲知己也 又云翁少年周旋先徵君

杖履間今四十餘年矣見子輒愴然道之不孝不能仰答與  
子仲兄鏗齋交每稱述相與歆獻故欲彷彿先徵君之典型  
則于翁庶幾見之

逸詩有餘春歌爲欽文世翁壽一首

自注欽翁服膺羅一峯先生集就余借讀久而

不釋可以信其所至矣故長言及之 五古

逸詞有爲欽文世社兄壽惜餘春慢一首

薑齋詩分體稿辛酉年廣哀詩第十九有唐處士克峻一首

自注字欽文已

未沒 五古

正鈞按欽文墓志未載誕生之年今攷逸文有欽文妻蘇氏孝壽說云庚戌新秋兩唐子爲其母氏六袞徵伯辭焉今壽欽文翁復舉而聯之帙據此則欽文壽序亦作於庚戌庚戌爲康熙九年欽文年六十知其長於先生八歲庚戌上溯三十七年歲在甲戌則與欽文訂交年甫十六也端典字古遺端笏字須竹均游先生門端笏尤有名詳下弟十四卷

又按分體稿辛酉廣哀詩序云追平生交游凋替之類仍



老栖巖谷唯病相耦而已夫之自弱冠幸不爲人所厭捐  
出入喪亂中亦不知何以獨存諸所哀者或道在死或理  
不宜死及其時相輾會以靖其心而安其命而不肖獨參  
差了然者葢論箴石卽告語亦杜口矣德業文章志行自  
有等衰非愚陋所敢定抑此但述哀情不以隱顯爲先後  
因長逝之歲月序之杜陵八哀詩常病其破蘇李陶謝之  
體今乃知悲吟不暇爲工有如此者詩共十九首以熊涓  
公雷癸未沒始而殿以欽文翁先生交游中之最厚者略  
具於是均前後詳著篇中辛酉爲康熙二十年先生年已六十有  
三自後集中於外朋友朋尅哀輓之作其晚歲同里往還

密者如劉庶仙朱翠濤諸人其沒蓋均在先生後也增識  
於此

劉孝廉象賢

劉象賢字若啟號懿庵崇禎壬午舉人少孤力學事母孝謹里  
居撫羣從篤嫻友見義勇爲所居虎塘頗勝作儉德堂于其中  
日與同志講學有終焉之志或諷以就官則堅辭之嘗侍座主  
沅撫某公飲賦詩有擬勒峴山碑一座他年重待鶴來歸之句  
蓋以王炎午自比也 國朝康熙六十年入祀鄉賢祠與王船  
山先生交好詩格高老可匹乾濤園諸作惜不見全集

沅湘耆  
舊集小

傳 湘鄉縣  
志遺逸傳

王江劉氏族譜序薑齋文集云王江諸劉潛明經是王氏湘孝廉

若啟氏奉季昌先生之志修其家乘以示夫之夫之之舉於

鄉也與若啟氏講以世石長氏偕以年而協以窶夫之伯兄

既與若啟氏講而遊辟雍之歲與季昌先生壽玉氏賜玉氏

胥以齒

武夷先生行狀逸文云敵娶湘鄉舉人劉象賢女

五十自定稿丁未年有劉若啟為余兄弟排難已招泛虎塘

敘其家乘會當六表弧辰歡讌之下遂允貺室子敵兒一首

七律 戊申年有期徐蔚子虎塘遲至余暑病先歸蔚子獨

留萬綠池與若啟月飲共相太息寄此謝之一首七律

六十自定稿己酉年不揆五十齒滿懿庵見過留同芋巖小

酌一首

七律

壬子年有二中園紀事爲懿庵作二首

五律

乙卯年有郡歸書懷寄懿庵一首

七律

丙辰年有早起草

堂寓日離間牽牛花追憶懿庵一首

五律

薑齋詩編年稿丙辰年有懿庵七十初度余留滯長沙不遂

山中歡笑已乃溯漣訪祝述懷一首

五古

薑齋詩分體稿辛酉年廣哀詩第十四有劉孝廉象賢一首

自注字若破湘鄉人丁巳沒

五古

鼓棹初集有友人劉懿庵虎塘頗勝沒後鞠爲茂草添字照

君怨一首

正鈞按譜序所言若啟與先生昆弟相交甚早而先生丙戌丁亥游湘鄉與湘三子倡和詳弟六卷若啟未見名字嶺表歸後十數年轉徙郴邵山谷足迹未嘗至湘鄉至丁未若啟招遊虎塘始屢見先生詩集觀詩首句云此生相聚太從容海徙山移亂後逢則從前疏闊可知若啟丙辰年七十蓋長於先生十有二歲而同年友善并以高蹈著節患難之餘申以婚媾丁未至丁巳十年中過從幾無虛歲宜沒後尤悼之不巳也

又按耆舊集載若啟泛小艇送王薑齋劉庶先泊永豐觀音閣片石對月七律一首云總因無計奈情何危坐清宵

掬玉波玄石共拋干日醉伯通舊職五噫歌雲分月媚搖  
丹袖影弄山魂幻素螺明發歸舟南望杳黃龍片碧鎖煙  
蘿與劉庶先淵水月泛尋懿庵別業一詩正相印證詳新  
化鄧氏於夏叔直小傳後引庶先此詩言叔直與鼎山交  
甚摯蓋誤以懿庵爲叔直別業之名年譜劉氏知懿庵姓  
劉而不知卽爲若啟別號蓋均未及見湘鄉新志也

劉文學近魯

兄璋

劉近魯字庶先一字庶仙衡陽人仕履無攷

沅州耆舊集小傳

游小雲山記云予自甲辰始游嗣後歲一登之不倦友人劉  
近魯居其下有高閣藏書六千餘卷導予游者

武夷先生行狀

逸文

云效娶劉氏文學近魯女

五十自定稿丁酉年有冬盡過劉庶先夜語效時一首

律七

薑齋詩贖稿甲辰年有同歐子直劉庶仙登小雲山一首

律七

六十自定稿壬子年有劉庶先五十初度卽席同唐須竹二

首

律七

七十自定稿丁卯年有宿別峯庵庶先策杖來慰時方從哭

先兄歸壘一首

律七

己巳年有庶仙片紙見訊云年過七

十未爲非幸無容局促縈心旣佩良規因之自廣一首

古五

鼓棹初集有壽劉庶仙瑞鶴仙一首

正鈞按耆舊集載有劉近魯湄水同夕堂老人月泛尋懿

庵別業一詩

詩云載酒酬奇字鷗鷺一棹攜片雲思野渡萬嶺鬱湘西涼吹輕雙影澗花笑短藜鹿門

知遠近漸

入虎塘溪詳六十自定稿庶仙五十初度一詩作於壬子

知其少先生四歲據武夷先生行狀稱文學則當亦明季

諸生攷廣陽襍記云修侯先生閉戶潛修鄉人化之州縣

長聞風造請皆以疾辭不見所授生徒咸知名士同郡譚

允都歐陽珠周應詔歐陽瑾夏汝弼文之勇劉近魯及瀘

州馬之訓其最著也與家世節錄所載較詳

見弟六卷則庶仙

固嘗受業武夷先生小雲山記云予以甲辰始游嗣後歲

一登之則亦時至庶仙之家可知甲辰爲康熙三年攷家

譜曷功以乙酉生時正弱冠庶仙之女于歸當亦在是時



己巳先生年已七十同志之友如劉若啟李芋巖輩已零  
落殆盡其時見於詩集所常往還者同邑唯庶先及朱翠  
濤熊男公三數人而已觀見訊片紙可見其相關之切也

劉璋字崑映衡陽人讀書所志堅苦崇禎間齊梁風靡獨刻意  
搜求經傳之旨補文學試於鄉不售乃就山中誅茅構斗室食

貧沒世

蕭齊文集劉崑  
映氏墓志銘

正鈞按墓志云友人崑映劉君撤慙二十年矣子安基安  
鏞欲求銘其墓以叔父庶先氏之命來蓋崑映卽庶先之  
兄又銘曰疇昔過君溼雲蒙岫雷雨夕噴裂窗傾溜縱酒  
高吟天爲倏晝弔古悲今別人分獸自君之亡狂言誰奏

觀此則崑映與先生之交誼亦厚矣

朱王孫翠濤

朱翠濤明王孫寓居衡陽

自定稿

六十自定稿己酉年有聽月樓倦客歸山留別翠濤王孫一

首

古七

庚申年有翠濤攜諸子游瞻雲閣有作見寄遙答

一首

古五

七十自定稿丁卯年有翠濤過草堂問病二首

古七律

翠濤喜雨

見懷病枕賦答一首

古五

寄題翠濤新築齋一首

古七

蕙齋詩分體稿辛酉年有題翠濤新築四首

古五律

戊辰年

有翠濤將下武昌恭謁昭王泊諸侯園墓馳書留別愴感贈

送一首五古

鼓棹初集有翠濤以新詩見懷作此答之蘇幕遮一首 寄

題翠濤山居賀新郎一首 二集有翠濤作煨楮拙詩索

和以詞代之漁家傲六首 翠濤六表每句戲用采色字沁

園春一首

正鈞按自定稿各詩翠濤與先生往還殆將二十年聽月

樓倦客歸山詩云樓前湘水膩碧玉細細紋波送遠秋寄

題翠濤新齋詩云湘西開竹館綠淨清溪源六十自定稿

丁巳新秋望章載謀詩有云芳草王孫在閑愁付杖藜白

注時載謀授館于翠濤又鼓棹集寄題翠濤山居一首有

云畫駿不臨松雪譜自注因憶趙子昂不類遂及之合七  
十自定稿翠濤將下武昌恭謁昭王及諸侯園墓之語觀  
之則翠濤應是太宗子楚昭王支裔亂後寓居衡陽而其  
志節又有大過人者其名與世系竦攷

又按芸者韻語

先生孫信  
芳生荃著

七絕有乙卯元日過洪山堂省

朱文歸讀先子遺稿有元夕過翠濤先生洪山堂紀情六  
首翠濤先生先大父船山集中所稱翠濤王孫也瞻屋之  
悲依稀碩果集中三致意焉故先子句云咏鳥柴桑曾伴  
醉多情宋玉自悲秋以此思情情可知矣感今追昔敬賡  
元韻寄朱十兄弟一首云三世神交忘賓主分明甲子兩

心珍弟六首有云西臺作記人何在逝水淙淙沒釣磯年  
譜劉氏毓崧云按耆舊集載虎止懷朱旦復五律一首有  
秋老蘭應賦春歸草尚芳之語疑旦復爲翠濤之子姪輩  
信芳所稱朱十兄又旦復之子姪行也

李文學報瓊

李報瓊字爲好衡陽諸生

七十自定稿  
武夷先生行狀

七十自定稿庚申年過李爲好山居信宿二首

七律

鼓棹初集有壽李爲好瑞鶴仙一首 爲好送魚苗謝之漁  
家傲一首

正鈞按爲好一再見自定稿及鼓棹集未著其名攷葺齋

逸文武夷先生行狀云夫之側室女一適文學李報瓊子  
嚮明以木瓜之詩推之當是名報瓊字爲好無疑行狀未  
別著邑里詩題云過山居信宿則知其爲邑人也

又按六十自定稿戊午梅陰冢詩序云船山老人幼女七  
歲許字友人唐君之子者攷逸文有唐無適墓志爲唐躬  
園之子幼女卽許字無適以戊午八月天推之當生於康  
熙壬子武夷先生行狀作於癸亥側室之女按家譜側室張氏已  
云適李其年當已踰笄詩序旣云幼女又戊午去癸亥僅  
六年適李氏女必生於壬子以前

熊男公 熊畏齋

熊男公衡陽人

七十自定稿

述病枕憶得云今年病垂死得友人熊男公療之而蘇因教予絕思慮以任氣之去來

七十自定稿壬戌年有熊男公過訪一首

五古

薑齋詩分體稿丁卯年有送伯兄歸瑩已夕宿男公山莊一

首

五古

鼓棹初集有過熊男公夜語浣溪沙一首

正鈞按述病枕憶得末署歲在丙寅是年分體稿有當暑沈疴五律一首據此則熊男公之療疾蓋在夏間石崖先生以是年正月晦卒葬於次年之秋丁卯一詩題云已夕

宿男公山莊又鼓棹集云過男公夜語則男公確係衡陽

人

熊畏齋衡陽人

薑齋詩  
賸稿

熊畏齋先生小像贊

薑齋文集卷九

云爐煙篆輕茗盃香清天歸綺

閣人在瑤京談霏玉屑度挹芝英養丹山之采鳳族麗景而

飛鳴

薑齋詩賸稿有大雲山歌一首

自注爲熊畏齋  
社戚翁六袞壽

正鈞按賸稿詩以大雲山爲題畏齋所居蓋在衡陽大雲

山旁也攷逸文武夷先生行狀云攷女二長適文學熊榮

祀子時幹時幹字體貞游先生門

詳第十  
四卷

大雲山歌稱社

船山師友記卷九

五



戚翁畏齋當是時幹尊行以情事推測男公與榮祀似卽一人又按李爾雅貞獻先生墓志云門人後學熊震鄧文昌與樸大等百有餘人私謚之曰貞獻男公與震名字似相比埒然均未得顯證存以俟攷